

Broj: 04-02/2-1875/21 SS  
Sarajevo, 28.06.2022. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE**  
**PREDSTAVNIČKI/ZASTUPNIČKI DOM**  
**Kabinet sekretara/Ured tajnika**  
**n/r g-din Ivan Miličević, tajnik**

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 30-06-2022

Org. jed.	Broj	Priloga	Vrijednost
05/1	02-	204	1/22

**PREDMET:** Odgovor na zastupničko pitanje koje je postavio zastupnik Husein Rošić, **dostavlja se**

**VEZA:** Vaš akt broj: 05/1-02-204/22 od 01.06.2022. godine

Poštovani,

U vezi Vašeg akta broj i datum veze, koji ste uputili Vladi Federacije BiH, a koji je ista aktom broj: 03-04-722-2/22 od 06.06.2022. godine, prosljedila ovom Ministarstvu, radi davanja odgovora, a odnosi se na zastupničko pitanje, koje je postavio zastupnik Husein Rošić, na 33. redovnoj sjednici Zastupničkog doma Parlamenta Federacije BiH, održanoj 31.05.2022. godine, vezano za srazmjerne penzije, odnosno na izmene i dopune člana 82. Zakona o penzijskom i invalidskom osiguranju („Službene novine Federacije BiH“, br. 13/18, 90/21 i 19/22), u kome navodi da je od izmjena i dopuna Zakona o penzijskom i invalidskom osiguranju prošlo skoro tri mjeseca od objavljivanja u Službenim novinama Federacije BiH, te da na osnovu člana 82. Zakona, nisu donesena nova rješenja penzionerima koja primaju srazmjerne penzije, informiramo Vas sljedeće:

Imajući u vidu naprijed navedeno, ovo Ministarstvo je tražilo očitovanje od Federalnog zavoda za penzijsko i invalidsko osiguranje, a posebno na to da li su donesena nova rješenja penzionerima koji primaju srazmjerne penzije između entiteta.

S tim u vezi, u prilogu akta dostavljamo Vam odgovor koji je ovom Ministarstvu uputio Federalni zavod za penzijsko i invalidsko osiguranje u formi akta broj: FZ1/3-04-7-411-2/22 od 20.06.2022. godine.

S poštovanjem,

Prilog: kao u tekstu



503

SEMA

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO  
RADA I SOCIJALNE POLITIKE

Broj: 04-02/2-1875/21  
Sarajevo, 22-06-2022



04  
S

BOSNA I HERCEGOVINA  
Federacija Bosne i Hercegovine  
FEDERALNI ZAVOD ZA MIROVINSKO  
I INVALIDSKO OSIGURANJE  
FEDERALNI ZAVOD ZA PENZIJSKO  
I INVALIDSKO OSIGURANJE  
KABINET DIREKTORA

88000 Mostar, Dubrovačka bb.  
Tel.+387 36 445 670,  
Fax. +387 36 445 693  
e-mail:ured.direktora@fzmiopio.ba  
71000 Sarajevo, Ložionička broj 2.  
Tel. +387 33 723 125  
Fax. +387 33 723 200

BROJ: FZ1/3-04-7-411-2/22  
Sarajevo, 20. juna 2022. godine

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO RADA I SOCIJALNE POLITIKE**  
n/r Vesko Drljača, m i n i s t a r  
Ul. Hamdije Čemerlića br. 2  
71000 SARAJEVO

**PREDMET:** Očitovanje, dostavlja se  
Veza Vaš akt broj: 04-02/2-1875/21 SS od 13.06.2022. godine

Povodom Vašeg akta broj i datum iz veze, kojim tražite očitovanje vezano za zastupničko pitanje postavljeno od strane zastupnika Rošić Huseina, a koje se odnosi na izmjene i dopune člana 82. Zakona o penzijskom i invalidskom osiguranju, tj. da li su donesena nova rješenja penzionerima koji primaju srazmjerne penzije između entiteta, obavještavamo Vas o slijedećem:

Članom 8. Zakona o izmjenama i dopunama Zakona o PIO („Službene novine Federacije BiH, broj: 19/22) propisano je.

U članu 82. iza riječi „po međunarodnim ugovorima“ dodaju se riječi:“ i Sporazumom o međusobnim pravima i obavezama u sprovođenju penzijskog i invalidskog osiguranja („Službene novine Federacije BiH“, broj 24/00), zaključenog između nosilaca osiguranja u entitetima Bosne i Hercegovine“.

Iza stava (1) dodaje se novi stav (2) i (3), koji glase:

Izuzetno, od stava (1) ovog člana, u slučaju da je zbirni iznos srazmjernih penzija ostvarenih u skladu sa Sporazumom iz stava (1) ovog člana manji od najnižeg iznosa penzije iz člana 81. ovog zakona, korisniku starosne, porodične, odnosno invalidske penzije pripada i razlika od zbirnog iznosa srazmjernih penzija do iznosa najniže penzije iz člana 81. ovog zakona. Pravo na isplatu razlike penzije do iznosa najniže penzije iz člana 81. ovog zakona, korisnik srazmjerne penzije ostvaruje od momenta podnošenja zahtjeva za ostvarivanje ovog prava, a u skladu sa stavom (3) ovog člana.

Postupak i potrebnu dokumentaciju za ostvarivanje prava na razliku do iznosa najniže penzije iz stava (2) ovog člana uredit će nosilac osiguranja svojim aktom.

S tim u vezi, od dana stupanja na snagu Zakona o izmjenama i dopunama zakona o PIO, korisnicima srazmjerne penzije, ostvarene u skladu sa Sporazumom o međusobnim pravima i obavezama u sprovođenju penzijskog i invalidskog osiguranja, omogućeno je podnošenje zahtjeva za ostvarivanje prava na isplatu razlike penzije od zbirnog iznosa srazmjernih penzija do iznosa najniže penzije iz člana 81. Zakona o penzijskom i invalidskom osiguranju.

Istićemo, da su stručne službe Federalnog zavoda za penzijsko/mirovinsko i invalidsko osiguranje pripremile Pravilnik o postupku i potrebnoj dokumentaciji za ostvarivanje prava na isplatu razlike penzije od zbirnog iznosa srazmjernih penzija do iznosa najniže penzije iz člana 81. Zakona o penzijskom i invalidskom osiguranju, koji je po propisanoj proceduri neophodno da donese Upravni odbor Federalnog zavoda za PIO/MIO i koji se objavljuje u Službenim novinama Federacije BiH.

Shodno naprijed navedenom, podnosioci zahtjeva neće biti oštećeni kod ostvarivanja svojih prava i ista će im biti priznata od dana podnošenja zahtjeva i za ubuduće, te smatramo da ovaj Zavod nije povrijedio prava podnosioca zahtjeva u predmetnoj pravnoj stvari.

S poštovanjem,



**DIREKTOR**  
mr Zdravko Krujić